

XAKEA

Goi mailako xakea Iruñean

Hilaren 27an hasiko da Nafarroako hiriburuko nazioarteko txapelketa

Aurtengo Iruñeko Hiria Nazioarteko Xake Txapelketa, orain arte antolatu direnen artean hoberena izanen da. Oberena xake taldeak antolaturiko bosgarren edizio honek XIII. kategoria berreskuratu du, eta luxuzko partaideak ekarriko ditu Iruña Park hotelera hilaren 27tik aurrera.

JUAN KRUIZ LAKASTA / IRUÑEA

«Inoiz antolatu dugun txapelketarik hoberena da. Partaideen ELO-a (nazioarteko sailkapenean duten puntuazioa) batu eta partehartzaileen kopuruaren artean zatituz gero, inoiz baino koefiziente altuagoa ateratzen da». Modu horretan mintzatu zen atzo Joaquín Pérez Seoane-Garrido batzorde antolatzaileko burua Iruñeko Hiria V. Nazioarteko Xake Txapelketako aurkezpenean.

Perezen hitzak hamar partehartzaileen izenetan oinarritzen dira. Veselin Topalov (ELO 2.645) 19 urteko errusiarrak faborito nagusia izanen da. Burutu berri diren Moskuko xake olinpiadetan Kasparov munduko



Victor Kortxnnoi 1990eko edizioan ere jokatu zuen Iruñean.

EFE

txapelduna garaitu zuen gazte honek. Dena dela, irabazi ahal izateko Alexander Morozevitz (ELO 2.575) xakeko izar berria den 17 urteko errusiarrak gainditu beharko du, hala nola Victor Kortxnnoi (ELO 2.615) 30 urte goi mailako xakearen gailurrean daramatzan 64 urteko jokalarik bikaina. Haien maila berean ariko da seguru asko Leonid Yudasin (ELO 2.625) Iruñeko lehiaketa bi aldiz irabazi duen 35 urteko israeldarra. Bestalde, ezin da Vadim Zvaginsev (ELO 2.585) baztertu, Dvoretzky errusiar entrenatzaile ospetsua-

ren irudikoz, bera baita errusiar jokalarik gazteen artean etorkizunik hoberena duena.

Horiekin batera, Espainiako Estatuko beste bost jokalarik ariko dira lehen saria patrikaratu nahian, hori bai, aukera gutxiagoz. Horiek dira Jordi Magem (ELO 2.520), Manuel Rivas (ELO 2.520), Lluís Comas (ELO 2.500), Zenon Franco (ELO 2.495) eta Jesus de la Villa.

Iruñeko lehiaketak iaz une latzak bizi izan zituen Nafarroako Federazioarentzat antolaketa lana mardul eta garestiegia zelako. Aurten Oberena taldeak hartu du

bere gain antolakuntzaren zama, eta Nafarroako Gobernua eta Iruñeko Udalaren laguntzaz, inoiz baino bizkorrago aurrera egitea lortu du. Are gehiago, Perezek berak azaldu zuenez, txapelketak goia jo du. «Iaz galdutako XIII. maila berreskuratu dugu, eta ez dugu gorago joan nahi. Ikuskaria bermatzeaz gain, xakea bultzatu nahi dugu, eta gehiago igotzekotan, ez dago hori egiterik. Hor dago Linaresko lehiaketa. Ikuskari hutsa zen, aurten dirurik ez dute lortu, eta lehiaketa desagertu egin da».

Iruña Park hotelean jokatu den txapelketa hilaren 26an hasiko da. Egun horretan zozketa eta jokalarien aurkezpena egingen da. 27an, 28an, 29an eta 30ean lau t'erdietatik aurrera lehenengo, bigarren, hirugarren eta laugarren jardunaldiak jokatu dira. Hilaren 31 jaieguna izanen da, eta lehen, 2an, 3an, 4an eta 5ean bosgarren, seigarren, zazpigarren, zortzigarren eta bederatzigarren jardunaldiak jokatu dira. Irabazleak 250.000 pezeta patrikaratuko ditu, bigarren sailkatuak 150.000, eta hirugarrenak 120.000. Halaber, aldi berean lehiaketa irekia jokatu da. Horretan irabazleak 200.000 jasoko ditu, bigarrenak 150.000 eta hirugarrenak 120.000.

PILOTA

Urkiak eta Juan Pablok finalerdietarako txartela lortuko dute gaur irabaziz gero

A.U. / DONOSTIA

Lehen mailako Euskadiko pala txapelketako lehen faseko azkenaurreko partidua jokatu da gaur Bilboko Deportivon. Iriondok eta Gorostiagak Urkia eta Juan Pablorek aurka jokatu dute. Azken bikote honentzat oso partidu garrantzitsua da, irabaziz gero finalerdietarako txartela lortuko du eta. Gaur euren aurkariak izango diren Iriondo eta Gorostiaga ere sailka daitezke finalerdietarako, baina horretarako gaur Urkiak eta Juan Pablok 19 tanto edo gutxiago egin beharko dituzte. Beraz, oso zail dute finalerdietan sartzeko.

Urkia eta Juan Pablo hobetuz joan dira txapelketak aurrera egin duen neurrian. Bi lehen partiduetan ez ziren elkarrekin ondo moldatu eta uste baino errazago galdu zituzten norgehiagokak. Hurrengo bietan, ordea, Urkiak hobetu egin zuen jokoa eta irabazi egin zituzten. Iriondok eta Go-

rostiagak, berriz, garaipen bakkorra lortu dute.

Gaurkoa eta datorren ostegunean jokatu den partidua besterik ez dira falta txapelketa honetako lehen fasea amaitzeko. Jadanik bi bikote daude finalerdietarako sailkatuak, Goitia-Torre eta Arribillaga-Langarika.

IGANDERAKO
PILOTEN
AUKERAKETAK

Bergaran eta Eibarren egin ziren atzo aipatu bi leketan igandean jokatu diren lehen mailako eskuz binakako txapelketako partiduetarako piloten aukeraketa. Goizean Bergaran egin zen hautaketan Alustiza eta Santik 105, 105,6 eta 106,4 gramoko pilotak aukeratu zituzten. Urionaguena eta Errastik, berriz, 105, 105,3 eta 106,3 gramokoak. Hasiera batean larunbatean jokatzekoa zen partidu hau igandera pasatu dute azkenean. Egun berean Capellan-Mendiak Ortiz-Azkaratzen aurka (Azkaratek Oliden or-

dezkatuko du) jokatu duten bigarren mailako partidurako ere aukeratu ziren pilotak.

Arratsaldean Eibarren izan zen aukeraketa. Titin-Arretxek 104,9, 105,5 eta 106,4 gramoko pilotak aukeratu zituzten. Unanue-Zezeagak, berriz, 104,5, 106,6 eta 107 gramokoak. Astelena pilotalekurako pilota egokiak omen dira, irteera ona dutenak. Ikusmin handia sortu du partidu honek eta Astelena igandean goraino beteko dela ziurtatuta dago. Bigarren mailako partidua ere izango da egun horretan, Ariznabarreta-Armenarizek Lejardi-Balardiren aurka jokatu dutena.

BEREZKOEN
SAILKAPEN
PARTIDA

Urdanpilletak eta Zugastik finalerdietarako txartela segurtza dezakete gaur, Mujika eta Itoizen aurka Baionan jokatu duten partiduan. Urdanpilletak eta Zugastik aurreko bi partidak irabazi dituzte. Gaur galduko

balute, heldu den astelehenean jokatu den Duhau-Fontan eta Larronde-Borda bikotearen emaitza itxaron beharko lukete. Irabaziko balute, aldiz, finalerdietan leudeke. Mujika eta Itoizek, berriz, gaur irabazita ere, heldu den astelehenean partida jokatu arte itxaron beharko dute.

JAIALDIAK

Gaurko partidurak

DEPORTIVO. 17.00. Arrillaga - Astola / Egibar - Nuñez. Txapelketako partidua: Iriondo - Gorostiaga / Urkia - Juan Pablo. Insausti - Otero / Arribillaga - Torre. Ziskar II - Thierry / Landea - Maruri.

GALARRETA. 16.00. J. Lekunberri - Zandio / Urrutia - Ekiza. Altuna - Agerre / Elizalde - Eizaguirre. Noain - Saldias / Lezea - Iriarte. Salaberria - Imaz / Kalonje - Lizaso.

EUSKAL. 16.00. Garate - Soto / Zubeldia II - Adin. M. Lekunberri - A. Lekunberri / Ezkurra - Zubeldia. Aseginolaza I - Auzmendi / Ollo - P. Lekunberri. Zeberio - Astrain / Bitoria - Aranburu.

Alberto Tombak
irabazi egin zuen
berriro ere

DONOSTIA

Alberto Tomba eskia-tzaile italiarrak bere bide bikainarekin segitzen du denboraldi honetan. Saihetsezur bat hautsita duen arren, agerian utzi zuen bere nagusitasuna Austriako Lech am Arlberg-en jokaturako proban. Hau da, hain zuzen ere, Tombak jarraian irabazi duen laugarren proba.

Lehen txandan bigarren denbora onena egin zuen Alberto Tombak, Thomas Sykorarengandik bi miletara. Bazirudien Sykora garaipena lortzeko moduan izango zela, baina, berriro ere, jaun eta jabe izan zen italiarra bigarren txandan, garaipena bere alde erabakitzeko. Sykora austriarrak ere proba bikaina egin zuen, baina azkenean bigarren postuarekin konformatu behar izan zuen. Hirugarren tokia Michael Tritscher austriararentzat izan zen. Aipatzeko da Kjetil-Andre Aamodt norvegiarrak egini lan kaskarra, sailkapeneko 18. tokian amaitu baitzuen. Alberto Tombak ia lau segundu kendu zizkion Aamodti bi txanda horietan, bien arteko aldearen adierazgarri.

Slalomoko sailkapen orokorrean, nola ez, Alberto Tomba da lehena, 400 punturekin. Orain arte espezialitate honetan jokaturako proba guztiak irabazi ditu italiarrak, beste inori aukerarik eman gabe.

Munduko Kopako sailkapen nagusiari dagokionez, Tombak 450 puntu ditu, Michael von Grunigen bigarren sailkatuak baino 156 puntu gehiago. Kjetil-Andre Aamodt norvegiarra da hirugarren sailkapen honetan.

SAILKAPENA

- | | |
|-----------------------|---------|
| 1. A. Tomba (Ita) | 1.43.57 |
| 2. T. Sykora (Aut) | 1.43.59 |
| 3. M. Tritscher (Aut) | 1.44.34 |
| 4. T. Fogdøe (Sue) | 1.44.52 |
| 5. O. Furuseth (Nor) | 1.44.51 |

Slalomoko orokorra

- | | |
|-----------------------|-----------|
| 1. A. Tomba (Ita) | 400 puntu |
| 2. M. Tritscher (Aut) | 210 |
| 3. T. Sykora (Aut) | 190 |
| 4. T. Fogdøe (Sue) | 157 |
| 5. O. Furuseth (Nor) | 157 |

Munduko Kopa

- | | |
|-----------------------|-----------|
| 1. A. Tomba (Ita) | 450 puntu |
| 2. Von Grunigen (Sui) | 290 |
| 3. K. Aamodt (Nor) | 250 |
| 4. M. Tritscher (Aut) | 250 |
| 5. P. Ortlieb (Aut) | 250 |